

KVW Senioreclub: en dedemesaledema ai 27 d'aorí peion ia ales 8:20 d'Al Plan demez con le bus de ligna, por jí a Porsenú. Enló jarán ennant a pé cina Albeins.

Grup d'Oraziun: en dedemesaledema ai 27 d'aorí ales 20:00 s'encunta te salf de calogna a Al Plan le grup d'oraziun con signor Sepl Granruaz. Le grup é davert a düc.

Conzert: le grup Il Pinzimonio Vocale adöm a Priska Comploi, Franziska Romaner y Philipp Gietl tignará en sabeda ai 30 d'aorí ales 18:00 te dljia d'La Val y en domegna ai 1 de ma ales 20:15 te dljia d'Al Plan n conzert de musiga sacrala de G.Ph. Telemann y C. Ph. E. Bach. Düc é der bel inviés.

Referat „Vignönn ô gní vedl, mo degügn n'ô ester vedl!“ con Signor Tone Fiung en vendres 29 d'aorí ales 14:30 te palestra da Antermëia, organisé dal Club di Seniores da San Martin de Tor y Antermëia. Düc é bel enviés.

„Familiars fej le goern a ciasa“: le Raiun Sozial Val Badia adöm al Consei de Formaziun de Badia organiseia te Ciasa dla Cultura a La Ila en domisdé y n curs dal titol „Familiars fej le goern a ciasa“ con cösc program:

1) en sabeda ai 30 de aorí dales 14:00 ales 18:00 domisdé con Margarethe Mayr, psicologa y psicoterapeuta con le titol „I ne ti sun nia plü! - L'ert dla cura y d'assistenza“. Le domisdé é davert a düc, zonza prenotaziun.

2) 4 seres ponsades por n grup stlüt tres de lönesc y jöbia ales 20:00:
lönesc ai 2 de má: „Ensciö vára da fá le goern – porsones y sorvisc co mo deida“ con i sorvisc de assistenza a ciasa, y d'assistenza infermieristica, le team de valutaziun y la portina por l'assistenza y la cura
jöbia ai 5 de ma: „Chinestetica“ – i sconi mio spiné y i ti empari ala porsona, a chera che i ti feji le goern da se daidé da sora o cun püch aiüt, por resté autonoma“, con Klara Leiter

lönesc ai 9 de ma: „Cösc pói, cösc dessi mangé, cösc mo fej bun – alimentaziun por jont atempada“, con Silvia Pitscheider, dietologa

jöbia ai 12 de ma: „Validaziun“ – co fá, co proé da capí porsones con demenza, cun Notburga Gruber (A) esperta de validaziun.

Les prenotaziuns por les 4 seres ven tutes sö cina ai 28 d'aorí te Raiun Sozial Val Badia ☎ 0474 524552.

Comun de Mareo: le Comun lascia alessi che al ven scrit fora n concurs por les cöghes a tomp determiné. Les domandes mess gní dades jö te Comune anter les 12:00 dai 03 de ma 2016. Enformaziuns plü avisa tal ufize personal de Comun.

ACS Mareo: le ASC Mareo - seziun palê met endô da jí apuntamonc de sport por mituns y mitans dles prömes trei tlasses dla scora elementara (nia por chi co sogá belo te na squadra U10), dal dedolönesc 26 d'aorí ala jöbia ai 26 de ma, dales 15:15 ales 16:30 tal ciamp dal sport a Ciamaor. L'iscriziun pó ince gní fata le pröm de y al sará da paié 50,00 € a möt/a. Infos da Marco Mutschlechner ☎ 338 4274261.

Döt le bun a: a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA
www.unitepastorala.org

Ann C

24.04.2016 - Cuinta domegna de Pasca

n. 22

En comandamont nö

☞ St.Ap 14, 21b–27 | Rev 21, 1–5a | Jan 13, 31–33a.34–35

Dal Vangelo do San Jan:

Te chel tomp ³¹canche lüda s'an ea jü fora, á Gejú dit: sen é le Fi dal Om glorifiché, y Idio é glorifiché te el. ³²Sce Idio é glorifiché te el, sarál ince Idio co le glorificará te sé enstes y al le glorificará defata. ^{33a}Mi mituns, i sun ma plü püch tomp pa os. ³⁴N comandamont nü ves dá: Oresse bun önn al ater! Desche iu ves á orü bun, ensciö desses ince os s'orei bun. ³⁵A cösc conesciará düc ch'i seis mi discepu: sc'i s'oreis bun önn al ater.

I ponsun do

Sunse nos veramonter bogn da müdé cösc monn? I án l'impresciun che nostes mans n'arjunji nia cina tl'Africa o tl'Asia y che i ne sunse nia bogn da combate la fan tal terzo monn o impedí veres. Mo nostes mans arjunj che porsona co é dlungia nos. En picio toch de cösc monn é te nostes mans y cösc picio toch sunse nos bogn da müdé. I podarun odei na faziun nia aspetada sce i se tignun al comandamont de Gejú: Oresse bun önn al'ater!



Oresse bun önn al ater

I periun

Beldio, con to Fi sunse sön le iade adancuntra a en gran travert. I te periun: Láscesse jí cösc tru desco porsones co ô bun y confida. Por Crist, nosc Signur.

Wilhelm Egger "Sonntagsbibel"

☞ Letöres dla Sesta domegna de Pasca:

St.Ap 15, 1–2.22–29 | Rev 21, 10–14.22–23 | Jan 14, 23–29

Edema liturgica dai 24.04. ai 01.05.2016

DOM 24. 08:30	Cuinta domegna de Pasca <i>Fidelis von Sigmaringen, Wilfried, Theodor</i> gran messa por dōta la ploania <i>oferta por i debojūgns dla ploania</i>
15:00 10:00	a Pliscia s.m. en onú y ringraziamont de San Iorz ♫ <i>grup de musicontri</i> s.m. a <i>Al Plan</i>
Lön 25. 07:30	fiesta de San Merch evangelist , <i>Hermann, Franca, Erwin</i> s.m. a <i>Al Plan</i>
Ded 26. ▶ 07:45	Maria dal Bun Consei - <i>Maria Consuelo, Cleto, Trudbert</i> s.m. dai scolari en onú y ringraziamont de Santa Maria dal Bun Consei y Sant'Ojöp da Oies
Dem 27. 18:00	<i>Petrus Kanisius, Zita</i> s.m. a <i>Al Plan</i>
Jöb 28. 19:30	<i>Peter Chanel, Ludwig Maria Grignon de Montfort, Vitalis, Ludwig, Hugo</i> s.m. do intenziun dai nüc <i>Annamaria Erlacher y Tobias Clara</i> s.m. d'aniversar por + <i>Regina Ellecosta, Stifler</i> s.m. por + <i>Nazio Erlacher, Cargá</i>
Ven 29. 07:10	<i>Catarina da Siena (Patrona d'Europa), Roswitha, Robert</i> s.m. a <i>Al Plan</i>
Sab 30. 07:30 18:00	<i>Pio V., Hildegard, Rosamunde, Bernhard</i> s.m. en onú de Santa Maria y de Sant'Ojöp da Oies s.m. d'aniversar por + <i>Canzio Willeit, Laronz</i> s.m. <i>prefestia a Al Plan</i>
DOM 01. ▶ 08:00 ▶ 08:30	Sesta domegna de Pasca de San Florian <i>Ojöp laurant, Geremia, Augustin, Arnold, Maximilian</i> gran messa dla comunité prozesciun a Curt con benedisciun dal rü d'La Pli, 2 vangeli, s.m. ad onú de San Florian do int. dai <i>Stödafüs d'La Pli y d'Al Plan</i> ♫ <i>Musiga d'Al Plan</i>
<i>ampola:</i>	por fam. Trebo dal Crazier
<i>ministronc:</i>	▶ da doman y domegna: <i>Alessia Costabiei y Nadia Frontull</i> ▶ da sera y domegna: <i>Carmen Rigo y Simon Brandlechner</i>
<i>i recordun:</i>	<i>Lois Taibon, Corvara</i> + 27.04.2009 <i>Maria Regina Ellecosta</i> + 29.04.2008 <i>Maria Trebo Wilhelm, Paisc Todesc</i> + 30.04.2015



Iubileo Straordinar dla Misericordia: 8.12.2015 – 20.11.2016 (9)

Desche i án odü é la misericordia tla Sacra Scritōra la parora-tle por cunté desche Chelbeldio fej con nos. Al ne se limiteia nia ma da afermé che al s'ò bun, mo so amur é da odei y da brancé ete. L'amur ne pó efetivamont nia ester na idea astrata. Por sōa natōra él na realté concreta: intenziuns, comportamonc y aziuns co se desmostra tla vita da vignedé. La misericordia de Chelbeldio ven da sōa responsabilité por nos. El se sont responsabl, cōsc ô dí che al ô nosc ben, al ô s'odei encontonc, plens de ligreza y de serenité. Sōn la medema lungheza d'ona mess s'orienté l'amur misericordius dai cristiagn. Desch le Pere ô bun, ensciö ô ince bun sū fis. Desche el é misericordius, ensciö sunse ince nos cherdés a ester misericordiusc önn con l'ater.

I orun vire cōsc Ann Sant tla lōm dla parora dal Signur: Misericordiusc desco le Pere. L'evangelist porta l'ensegnamont de Gejú co dij: "Seise misericordiusc, desche osc Pere é misericordiusc!" (Lc 6,36) Al é n program de vita tan ben impegnatif co rich de ligreza y pêsc. L'imperatif de Gejú val por dūc chi co ascuta sōa usc (Lc 6,27). Por ester bogn da vire la misericordia, messunse porchel emprōma de dōt ascuté la Parora de Dio. Cōsc ô dí che i messun descōrī da nō le valur dal chit por medité la Parora ch'ī aldiun. A cōsta moda sunse spo ince bogn da contemplé la misericordia de Dio y da s'la tō a cōr por la meter en pratica te nosta vita.

Papa Francesco "Misericordiae vultus"



Vita de ploania y de paisc

- **Consei pastoral:** informaziuns en cōrt, sontada dai 21 d'aorí
Zelebraziuns dla Parora de Dio: al ven aproé les postes dal grup de liturgia da tigní òna na zelebrazion al mens (le progam sōn la proscima plata)
I cunc de dljia por l'ann 2015 ven aproes da dōt le consei.
Por les **lites dal consei nō de ploania** ai 23 d'otober 2016, vegnel damané, desco preodü dal regolamont motü sō dala Synode, 4 deleghés dles uniuns (omi, eres, joneza y KVW). Önn por uniun ven perié da se meter a disposiziun. I atri 4 dess spo gní lites dala comunité. An spera da ester bogn da i jí do al regolamont y che jont se meti a disposiziun.
L'edema dla fede ven ince eniann organisada dla Unité Pastoral Val Badia, dai 17 ai 23 d'otober.
Prozesciun a Brach: pa les prozesciuns con le Santiscimo dess dōtes les statues gní portades a na moda che le Sant **ciari cuntra le Santiscimo**, le Crist co va danfora samben ince. Ples atres prozesciuns desseres gní portades ch'ares ciara danfora, desco le Crist dan la prozesciun.
- **La dljia d'La Pli:** en **jōbia ai 28 d'aorí** vegnel tigní, do messa te dljia, na formaziun con Daniela Serafini sora la storia dl'architōra de nosta dljia. Dūc é bel enviés.
- **La Musiga:** canche i fajareis la detlaraziun dles cultes podeise, sc'i oreis, ti dé le **5promile** ala Musiga d'La Pli. Al basta dé dant le codesc fiscal 81009910217 y meter Osta firma. Iolan!